



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus

Coloniae Agripp., 1623

Medit. 18. De Negatione Petri.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

6. Oculos Christo obligant, qui factis excusationibus suas tegunt imperfectiones: qui que sine verecundia & timore Dei tam audacter, peccant, ac si non videret Deus.

7. Tunc item claudimus oculos Christo, cum Superiores nostros volumus esse cæcos, nos ipsos scilicet bono lumine præditus, id quod facimus, cum laboramus ut superiores se nostris, non nos illorum iudicijs nosmet accommodemus.



MEDITATIO XVIII.
DE NEGATIONE

PETRI.

PUNCTA MEDITATIONIS.

I. Petrus calefaciens se cum ministris, negat se nosse Christum, prima & secunda vice simpliciter: tertia vice cum iuramento, &c.

Mat. 26
Mar. 14,
Luc. 22.
Ioan. 18.

II. Gallo iterum cantante, Christus respexit Petrum, & recordatus est verbi eius.

III. Exiens foras Petrus fleuit amarè.

PROPHETIÆ.

A Bominati sunt me quondam consiliarij mei, & quem maximè diligebam aduersatus est me.

Iob. 19.

Inquilini domus mea, sicut alienum habuerunt me, & quasi peregrinus fui in oculis eorum.

Ibid.

DOCUMENTA.


1. **F**UGIENDA est nostri iactantia, neque nostra virtute fidendum: sed viuendum in perpetuo timore & humilitate, ne ruamus, vt Petrus ruit, tametsi vertex esset Apostolorum, omnes etiam caritatis ardore superans.
2. Loca & conuersatio hominum, qui occasionem peccandi præbent, cauendi sunt. Difficile est enim inter improbos esse probum. Petrus certè dum inter Apostolos agebat, mortem pro Christo optabat: inter Iudæos indignissimè illum negat.
3. Principijs tentationum eundem est obuiam, nec permittendum vt imperfectio quantulacunque in animo confirmerur, ne in grauiora incidamus. Id cum Petrus negligeret, primò contra domini consiliu[m] dormiuit. Iterum fugit, mox negauit, denique periurium & sui ipsius exercitationes adiunxit.
4. Lapsi fragilitate in defectum aliquem, non debemus spem abijcere, neque in illo hære: sed repente educere nos, & vt Petrus fecit, dolore & pœnitentia, quod commissum est, emendare.
5. Quamdiu in aliqua peccandi occasione hæremus, ne cogitandum quidem est posse nos emendari, aut spiritu proficere, vt Petrus, interim dum est in domo Caiphæ, potest sapere labi in peccatum, emendare se & amare flere, nisi domo egressus non est.
6. Negant Christum ad exemplum Petri, qui timore inani, aut utilitatis vel respectu humano cessant loqui de ijs, quæ decent, aut virtut-

MEDITATIONVM. 271

virtutis studium in aperto habere, quod studium cum ab omnibus Christiani nominis officium, tum à religiosis sua professio exigit, Cogitent illi Saluatoris sententiam. *Qui erubescit me coram hominibus, erubescam* Luc. 9.
& ego eum coram Patre & Angelis.

7. Laboremus in eo, vt semper nobis ante oculos versetur imbecillitas nostra: neque securi simus quod bonæ voluntatis consciij nobis simus. Instabilis est voluntas, & quavis tentatione mutatur, nisi à Deo seruetur & cõfirmetur.

8. Quamquam è peccato nostris nos viribus sine ope diuina erigere non possumus: tamen serui Christi, qui bona voluntate illi seruiunt, si fortè in defectum aliquem incidant, singulari quodam modo, per secretas inspirationes à spiritu sancto aspiciuntur & subleuantur, quod videmus in Petro.



MEDITATIO XIX.

DE COMPASSIONE
 MATRIS IESV.

PVNCTA MEDITATIONIS.

EX HIEREMIA PROPHETA.

1. *Plorās plorauit in nocte, & lachryma eius in maxillis eius. Non est qui consoletur eam ex omnibus caris eius.* Thren. 1

2. *Cui comparabo te, vel cui assimilabo te,* Thren. 2
 M 4 *filia*